



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-I/25-3-40-277-3/21**  
Datum: **16.09.2021. godine**

„Agencija za vodno područje rijeke Save“ Sarajevo rješavajući po zahtjevu „ČAVKUNOVIĆ-BP“ d.o.o. Bihać, za izdavanje vodne dozvole za ispuštanje oborinskih onečišćenih voda sa lokacije objekta naftnog terminala u Banjalučkoj ulici bb u Bihaću, na osnovu člana 109. stav (1) tačka 2., Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

### **R J E Š E N J E** **o vodnoj dozvoli**

1. Daje se vodna dozvola pravnom licu „ČAVKUNOVIĆ - BP“ d.o.o. Bihać, za ispuštanje oborinskih onečišćenih voda sa lokacije objekta naftnog terminala, lociranog u Banjalučkoj ulici bb, izgrađenog na zemljištu označenom kao k.č. broj 5/19, 5/28 i 5/24 K.O. Hatinac (stari katastarski operat), odnosno k.č. broj 353/3, 354/15, 354/17 i 354/18 K.O. Bihać-grad (novi katastarski operat), općina Bihać.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
  - 3.1. Da korisnik predmetnog objekta terminala naftnih derivata sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
  - 3.2. Skladištenje nafte i naftnih derivata vršiti u podzemnim dvoplašnim rezervoarima sa sistemom za automatsku dojavu o procurenju, kapaciteta 4x100 m<sup>3</sup>.
  - 3.3. Korisnik objekta je obavezan redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
  - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
  - 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent – kolektor javnog gradskog kanalizacionog sistema.
  - 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema

- sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.7. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
  - 3.8. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
  - 3.9. Korisnik objekta je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
  5. U periodu važenja ove dozvole, korisnik objekta je dužan provoditi sve mjere i aktivnosti propisane istom.
  6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik objekta je obavezan uzroke štete otkloniti, a nastalu štetu nadoknaditi.
  7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  8. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06 ) se daje sa rokom važenja od 5 (pet) godina, od dana pravosnažnosti ovog rješenja.
  9. Prije isteka važnosti ove dozvole korisnik objekta je dužan da podnese zahtjev za izdavanje nove vodne dozvole.

### **O b r a z l o ž e n j e**

Pravno lice, „ČAVKUNOVIĆ-BP“ d.o.o. Bihać, obratio se ovoj Agenciji dana 23.06.2021. godine sa zahtjevom za izdavanje vodne dozvole za ispuštanje oborinskih onečišćenih voda sa lokacije objekta naftnog terminala lociranog u Banjalučkoj ulici bb, izgrađenog na zemljištu označenom kao kao k.č. broj 5/19, 5/28 i 5/24 K.O. Hatinac (stari katastarski operat), odnosno k.č. broj 353/3, 354/15, 354/17 i 354/18 K.O. Bihać-grad (novi katastarski operat), općina Bihać.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, matični broj subjekta upisa 17-01-0243-13, izdanog dana 17.05.2021. godine, od strane Općinskog suda u Bihaću,
- Kopija Uvjerenja o poreznoj registraciji, izdanog od strane Federalnog ministarstva finansija – Porezne uprave Federacije BiH – Kantonalnog poreznog ureda BIHAĆ dana 12.08.2015. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-5108-2/15, izdanog od strane Uprave za indirektno – neizravno oporezivanje Banjaluka dana 29.09.2015. godine, u Banjaluci,
- Kopija rješenja, kojim se daje odobrenje za legalizaciju nadstrešnice za pretakalište i skladište (terminal) naftnih derivata; izdano od strane Službe za prostorno uređenje, imovinsko-pravne i geodetske poslove općine Bihać, pod brojem 03/1-23-2-3985/14 dana 04.02.2015. godine, u Bihaću,
- Original „Kopija katastarskog plana“ UR.broj 03/3-30-2-277/2015-2 od 29.04.2015. godine,

- Kopija Rješenja o okolišnoj dozvoli, kojim se izdaje okolinska dozvola za poslovni objekat naftnog terminala, na zemljištu označenom kao k.č. broj 354/15 K.O. Bihać-grad, na ukupnoj površini od cca 1154 m<sup>2</sup>, kapaciteta ugrađenih rezervoara cca 400 m<sup>3</sup>; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-25-5289-UP-1/18 dana 27.12.2018. godine, u Bihaću,
- Kopija Rješenja prethodne Vodne dozvole izdata od strane AVP Sava Sarajevo pod brojem UP-I/25-3-40-318-5/16 od 17.06.2016. godine,
- Kopija uplatnice upravne pristojbe,
- Kopija izvještaja o monitoringu kvaliteta i kvantiteta otpadnih voda terminala tečnih naftnih goriva „ČAVKUNOVIĆ-BP“ BIHAĆ, BP 2; urađen od strane „Inspekt – RGH“ d.o.o. Sarajevo pod brojem 749/21, od maja 2021. godine,
- Kopija saglasnosti za ispuštanje tehnoloških otpadnih voda i oborinskih onečišćenih voda isključivo putem ugrađenog separatora otpadnih voda, izdata od strane JP Vodovod Bihać – Služba tehničke pripreme i razvoja pod brojem 01-2727/17 od 25.10.2017.godine,

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), izvršen je pregled izgrađenog poslovnog objekta terminala naftnih derivata sa pratećim sadržajima „ČAVKUNOVIĆ - BP“ d.o.o. Bihać i tom prilikom sačinjen zapisnik o uviđaju broj: UP-I/25-3-40-277-2/21 od 12.08.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekat terminala naftnih derivata sa pratećim sadržajima „ČAVKUNOVIĆ - BP“ d.o.o. Bihać, je izgrađen na zaobilaznici magistralne ceste Bihać – GP Izačić, ulica Banjalučka, grad Bihać.

Gorivo se dovozi autocisternama i pretače u ukopane dvoplašne spremnike, kapaciteta 4x100 m<sup>3</sup> (2x100 m<sup>3</sup> za dizel gorivo, 100 m<sup>3</sup> za benzin BMB 95 i 100 m<sup>3</sup> za loživo ulje. Na prostoru terminala se vrši distribucija naftnih derivatana veliko, kako za benzinske pumpne stanice u vlasništvu podnosioca zahtjeva na području Unsko-sanskog kantona, tako i za eksterne kupce.

Sanitarne otpadne vode iz sanitarnih prostorija su kanalizacionim cijevnim sistemom sprovedene do kolektora javnog gradskog kanalizacionog sistema. Oborinske vode sa krovova su sistemom horizontalnih i vertikalnih oluka sprovedene do revizionih šahtova na tlu, a potom cijevnim sistemom odvođe do kolektora javnog gradskog kanalizacionog sistema. Oborinske vode sa manipulativnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskoj slivnoj rešetci te preko separatora ulja odvođe do kolektora javnog gradskog kanalizacionog sistema.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku i uvjetima izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva, „ČAVKUNOVIĆ-BP“ d.o.o. Bihać, ispunio minimum uslova za izdavanje vodne dozvole za promet opasnih materija koje nakon upotrebe mogu dospjeti u vode sa lokacije predmetnog objekta benzinske pumpne stanice te je riješeno kao u dispozitivu ovog rješenja.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13 ).

**Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl. inž.

**Po ovlaštenju**

**Rukovodilac sektora za izdavanje vodnih akata**



*Haris Ališehović*  
**Haris Ališehović, dipl. inž. građ.**

Dostaviti:

- „ČAVKUNOVIĆ-BP“ d.o.o. Bihać, Banjalučka bb, 77 000 Bihać
- ☞ - AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava